

JOY KOCK 18 AÑA ADAYAMA-ASOMA

Awe ASOMA mester tene su reunion general durante cual lo eligi tambe un directiva nobo. E reunon awe lo ta presidi pa Sr. Elgin Juddan, vice presidente di ASOMA, despues cu Sr. Joy Kock a entrega su retiro.

Relaciona cu esaki DIARIO awe ta presenta un entrevista cu a ser teni algun dia pasa cu Joy Kock riba e asunto aki. For di 1974 cu a funda ADAYMA cu despues a bira ASOMA, Sr. Joy Kock a dirigi e Asociacion di Musiconan Arubano. Despues di 18 aña el a retira pa di cuater biaha.

JOY: "Mi no ta kere den 'President for life'. Cuatro biaha ADAYMA y ASOMA a cay den otro y musiconan di buena fe a pidimi bin dirigi e asociacion back. Semper mi a co-opera. Awor si no mas".

Pakico?

- "Tin un grupito di asina yama musiconan cu ta stroba desarrollo di un bon maneho. nan ta critica sin fondo. Nunca nan a yuda cu nada. Un grupito destructivo".

Kico ASOMA a logra durante tur e añanan aki?

- "Un bon school di musica cu a produci mayoria di nos mihor musiconan.

"Hopi beca pa nos musiconan bay studia den exterior.

"Liber di impuesto riba disco, cassette y CD.

"Solamente dos banda por bin di exterior pa luna.

"Ki ora un banda di exterior bin nos isla, un banda

local mester toca hunto cu nan.

"50 - 50 por ciento cu SAC tocante calypso y tumba Contest.

"90 -10 por ciento na fabor di ASOMA di e entradanan netto di pre - seleccionnan.

"Pone bandanan local den tur hotel (un tempo casi estranhero so tabata toca den hotelnan). Nada contra di ningun estranhero, al contrario, esnan di pasado a yuda nos. Pero mescos cu tur paisnan na mundo, di nos prome.

"Contacto estrecho cu Library of Congress tocante derecho di autor na Washington DC.

"Nos a funda y caba cu ABC Festival y nos a funda e mihor banda di Aruba: ASOMA y Aruba Super Stars.

"Plan pa bin cu Calypso International Festival cu tur e islanan caribense participando. Sparrow lo a bira e prome invitado di honor. Pero otro grupo musical a bay cu nos idea. E entrada aki lo a bira e "begin Kapi-taal" pa nos Stadion di Cultura". Lastima! Pero asi es la vida".

"Lucha pa "upgrade" nos calidad di musica. Esaki sin duda a logra y awe Aruba su musica ta di nivel internacional. Nos top musiconan a sacrifica hopi. Nos por sigui cu hopi mas, pero lague te aki."

Conociendo bo hopi bon Joy, lo bo sigui traha - laga nos bisa - na bienestar di nos mu-

siconan?

- "Si, semper cu Dios yudami cu mi tin salud. Lo mi keda activo como president y director di Academia Musical di Aruba. Mi ta president di Fundacion Promocion Cultura Arubano. Mi lo sigui cu festivalnan di OTI. Mi ta co-fundador y lo sigui duna un asociacion di compositornan y entre otro tambe Premio motito y Rufo Wever. Mi ta vice president di "Parke di fama" y nos lo forma un directiva a nos "Stadion di Cultura". Trabao tin hopi pa haci. Tur ta pro deo".

Kico Joy ta lamenta mas durante Joy su presidencia di Asoma?

- "Tin varios cos cu mi ta lamenta, pero esun di mas lamentoso tabata cu un propio miembro di directiva di ASOMA, ta percura pa unestranhero haya: verblijfsvergunning, werkvergunning y vestigingsvergunning.

"Awe e persona aki ta 'run' tres hotel grandi pa locual ta "entertainment y nos muciconanlocal ta 'out' y musiconan estranhero ta 'in". E musico aki por ahaya gewoon un werkvergunning so.

- "Tambe mi ta lamenta cu nos gobernantenan ta laga demasiado musico estranhero drenta Aruba. Awe (despues cu mi a semi retira na 1990 debi na e "beruchte reunion" na ArubaJrs. na April 90) nos musiconan local ta riba caya, pafo di



Di portret di file por mira aki momento cu Joy Kock a wordo honra cu distincion di "Nota di Aruba" door di Ministro Fredis Refunjol pa Representa Aruba den multiples ocasion internacional.

cura y musiconan estranhero ta paden".

- "Tambe mi ta lamenta locual a pasa cu ABC. Nos a ser humilla na momento cu nos tabata superior den canto y musica na 1991. A duel ami y henter Aruba cu un (1) cantante a bay Curacao e aña aki. Pero mester mira ta ken ta e persona tras di esaki. Claudius Philips y Ore no tabata tin nada di haci cu e asunto y mi respet lo keda mesun cos tanto pa Claudius y Vicente Kelly. Aki tabata trata simplemente di principio y dignidad y mester ser muestra den forma di protesta di no bay e ABC na Curacao e aña aki cu nan a cambia e nomber. No tabata tin nada

di haci entre Aruba y Curacao pero entre Asociacion di Aruba y Asociacion di Curacao.

Naturalmente Joy lo tin palabranan di gratitud pa expresa na cierto personanan, pa e colaboracion ricibi durante 18 aña di president di ADAYMA - ASOMA?

- Si, lo mi kier gradici un y tur cu a yuda nos durante tur e añanan, muy particularmente nos secretarianan di pasado yawor aki cu hopi a sacrifica cu tabata Maritza Reyes, Gemma Koolman y awor Vanessa Koolman, tur nosmiembronan y miembronan di directiva y un y tur cu a duna un man na bienestar di nos mundo di musica..



For di file tin aki un portret unda vice presidente di ASOMA Elgin Juddan ta regalando Joy Kock un hanger cu "sol sleutel" di ASOMA.

TECHNICAL CONTRACTING AND TRADING COMPANY N.V.

STA. MARTHA Z.N. - ARUBA - TEL. (297-8) 31413 - FAX 31312 - Bank: Aruba Bank, Acc. no. 202039-41

Gevraagd voor onmiddellijke indiensttreding:

- * LOODGIETERS
- * ELEKTRICIEN
- * ELEKTRO - TECHNISCH TEKENAAR
- * AIRCO MONTEUR